



FUNTZIONAMENDUARI ETA BIZIKIDETZARI BURUZKO ARAUAK

AITA AGIRRE KULTURGUNEKO IKASKETA GELA

Gela erabiltzeko baldintzak

1. Hamazortzi urte baino gehiago izatea.
2. Liburutegira sartzeko txartelaren titular izatea.

IG (Ikasketa Gela) eskatzea

- IG txartelaren alta tramitatzeko eskaera orri bat bete beharko da, Herritarren Arreta Zerbitzuan edo Elgoibarko Udalaren webgunean eskura egongo dena.
- Txartela Elgoibarko Udalaren jabetzakoa da, beraz, beharrezkoa ez baldin bada txartelaren baja eskatu beharko da, eta HAZen edo HAZeko buzoian utzi beharko da.
- Txartela pertsonala eta besterenezina da inork ezin du erabili titularrak izan ezik. Inor ezin da sartu, txartelik ez badu. Txartela dohainik eskuratu ahal izango da.
- Txartela galduz, lapurtuz... gero, horren berri eman beharko da HAZen edo liburutegian txartelaren baja egiteko.

Jendearentzako ordutegia

IGN jendearentzat izango den ordutegia 8:00etatik 23:00etara artekoa izango da, baina Elgoibarko Udalak beste ordutegi batzuk ezarri ahal izango ditu, une bakoitzeko premien arabera.

Erabilera arauak

- Ikasketa gela estrainekoz eskatzen denean, horretarako prestatuta dagoen eskaera bete beharko da, modu telematikoan.
- Txartela HAZen jasoko da.
- Une horretatik aurrera, gainerako eskaerak telefonoz edo e-mailez egin ahal izango dira (HAZ arreta@elgoibar.eus, 943 741050).
- Gela erabiltzeko ordutegiak honakoak izango dira: 8:30etik 14:30era eta 14:30etik 20:30era.
- Une honetan, pandemiaren ondorioz, gela honen aforoa sei lagunekoa da.

- Txartelaren titularra arduratuko da ikasketa gela era egokian erabiltzeaz. Ondorio guztietarako, txartela erabiltzen duena izango da gela hori ondo erabiltzearen arduraduna. Txartela pertsonala eta besterezina da: inork ezin du erabili, titularrak izan ezik. Txartelaren arduraduna izango da erantzule bakarra, txartela gaizki erabiltzen baldin bada; hori dela eta, Udala salbuetsita geldituko da ondorio zibil eta penal guztietatik.
- Aita Agirrera sartzeko atea, ate nagusiaren ezkerrean dagoena da.
- Txartelaren bidez sartuko da gelara (nahikoa da irakurgailura hurbiltzea). Irakurgailuak argi berdea igortzean, atea ireki egingo da (atea irekitzen ez bada, horrek esan nahi du gelaren gehienezko aforoa beteta dagoela).
- Debekatuta dago telefono mugikorrek erabiltzea deiak egiteko. Deiren bat egin edo erantzun behar baldin bada, gelatik kanpora irten beharko da. Telefonoa *bibrazio* moduan konfiguratuta egon beharko da.
- Debekatuta dago jatea edo edatea, ura izan ezik.
- Ezin da eraikineko beste gela batzuetan sartu.
- Ezin da gelara maskotarik sartu, dibertsitate funtzionala duten pertsonan txakur-gidariak izan ezik. Ezingo da gela barruan ibilgailurik aparkatu, adibidez, bizikletak.
- Debekatuta dago erretzea (42/2010 Legea, abenduaren 30ekoa, tabakismoaren aurkako osasun neurriak ezartzen dituen eta tabakoaren produktuen salmenta, hornidura, kontsumos eta publizitatea arautzen duen abenduaren 26ko 28/2008 Legea aldatzen duena).
- Beharrezkoa da isilik egotea
- Instalazioak eta ekipamendua errespetatu egin beharko dira une oro, eta instalazioak garbi eta erabiltzeko modu ezin hobean izan beharko dira, bereziki, komunak. Ezin da ekipamenduaren osagai bat ere lekuz aldatu.
- Jarrera eta heziketa egokiak izan beharko dira.
- Ezin dira ikasteko lekuak gorde beste ikasle batzuentzat, ezta norberak erabiltzeko ere.
- Mahai bakoitzean ikasteko postu bati dagokion lekua bakarrik okupatu ahal izango da. Ez da onartuko ikasteko beste postu bati dagokion azalera okupatzea.
- Erabiltzaileei eraikinean zein ikasgelan kamerak daudela jakinarazten zaie.
- Larrialdiren bat bada, Udaltzaingoiari (944 741394) edo SOS Deiaki (112) deitu.

Zigorrak: Ezarritako arauak ez betetzea zigor daitekeen arau-haustea izan ahalko da. Honako arau-hauste eta hutsegite hauek zigortuko dira, edo beharrezkotzat jotzen den beste edozein inguruabar edo jokera, nahiz eta zerrenda honetara jasota ez egon:

- Txartelik ez duten beste ikasle batzuei gelara sartzen uztea.
- Ikasketa gelaren eta bertan eskaintzen diren zerbitzuen funtzionamendu normala asaldatzea, oztopatzea edo eragozteia.
- Bizikidetzat ostopatzea.
- Iskanbilak sorraraztea edo ikasketa eten dezakeen beste edozein ekintza egitea.
- Erabiltzailearen batek gela erabiltzeko eskubidea duten beste pertsona batzuei Ikasketa Gelako instalazioak erabiltzen ez uztea.
- Ikasketa gela erabiltzen ari diren pertsonak iraintzea edo horiei eraso fisikoak edo psikikoak egitea, baita gelaz arduratzen diren Herri langileei ere.

- Eraikineko beste gela batzuetara joatea.
- Eraikinean edo bertako instalazio, ekipamendu eta azpiegitura orotan narridurak edo kalteak egitea.
- Norberak egindako kalteen berri ez ematea.
- Gelaz arduratzen diren Herri langileen jarraibideei jaramonik ez egitea.
- Ikasketa gelako instalazioak eta Zerbitzuak era desegokian erabiltzea eta aurreikusita eta baimenduta ez dauden jarduerak egitea.
- Erabiltzaileen txartelak faltsutzea eta manipulatzea.
- Udal arduradunek idatzi eta ikasketa gelan zabaldu duten agiri oro aldatzea.

Kautelazko neurriak: Ezarritako arauak betetzen ez dituzten ikasleak kautelaz kanporatuko dira sei hilabeterako, gelara sartzeko txartela indargabetu ondoren. Arauak behin eta berriz urratzen badira, hasiera batean ezarritako kautelazko neurria aldatzeko proposamena egin ahal izango da, egoeraren larritasunaren arabera.